

298 թուականին Մծբնի պայմանագրով Սասանեան Իրանի եւ Հռոմի միջեւ կնքուած է խաղաղութեան մասին համաձայնութիւն՝ 40 տարի ժամկէտով: Եապուհ Բ-ն (309-379), խախտելով պայմանագրի ժամկետը, 330-ական թուականներէ վերսկսուած է պատերազմական գործողութիւնները Հռոմի դէմ: Հայաստանը եւս ներքաշուած է այդ պատերազմի մէջ: Եապուհի արշաւանքները Հայաստան աշխուժութիւն են մտցնում իրանամէտ նախարարների շրջանում: Զերբակալելով Հայոց Արշակ Բ թագաւորին, գրաւելով Արտազերս ամրոցը, որտեղ գտնուած էր Փառանձեմ թագուհին, Եապուհ Բ-ն 369 թուականին վերադառնում է Իրան, նախօրոք ակերելով Հայաստանի գրեթէ բոլոր գլխաւոր քաղաքները՝ Արտաշատ, Վաղարշապատ, Զարեհաւան, Վան, Նախճաւան եւ այլն: Քաղաքային բնակչութիւնն իր արհեստաւորներով, առեւտրական դասով եւ, նոյնիսկ, հոգեւորականներով բռնազաղթում են Իրանի խորքերը¹: Հայաստանը դառնում է բնատնտեսութեամբ ապրող երկիր, որտեղ իւրաքանչիւր գաւառ ինքնաբաւ մի միւլուր էր²:

Եապուհ Բ-ի դրամներն ընդհանրապէս առանձնանում են տիպերի բազմազանութեամբ, բայց Հայաստանից գտնուած դրամները պատկանում են միայն մէկ տիպին: Իրանց դիմերեսին պատկերուած է Եապուհ Բ-ն դէպի աջ՝ գլխին պարսպաձեւ թագով, որն ակարտուած է գնդով: Պատկերի շուրջը պահլաւերէն գրութիւն է. «Մագդալին երկրպագող աստուածային Եապուհ, արքայից

արքայ Իրանի եւ ան-Իրանի, աստուածներից սերող»: Դարձերեսին՝ կենտրոնում պատկերուած է ատրուշանը, որի մի կողմում Եապուհ Բ-ն է, միւս կողմում՝ Ահուրամագդան: Կրակի մէջ պատկերուած է կիսանդրի, որը, Ահուրամագդալի անձնաւորումն է: Ըստ Աւեստայի, կրակը (աթուրը) Ահուրամագդալի որդին էր եւ վերջինս պատկերուած էր նաեւ կրակի մէջ³:

Կրակը, որպէս Ահուրամագդալի անձնաւորում, անուղղակի յիշատակում է նաեւ Մովսէս Խորենացու մօտ, երբ վերջինս նկարագրում է Յագկերտ Ա-ի որդի Եապուհի յայտնուելը կրակի բոցերի մէջ եւ այդ առիթով Ատոմ իշխանի տուած մեկնաբանութիւնը «Դարձեալ յայլում ժամու դիպեցաւ ի շամբս կինջս որսալ հրով եւ Եապուհ ոչ համարձակեալ ի թաւուն քաջարշաւ լինել, մինչեւ շրջապատէր հուրն. եւ նորա զհայեցուածսն յերկուս բաժանեալ այսր անդր բերեալ լինէր երկվարան: Ասէ Ատոմ «Աստուածորդիդ Պարսից, ահա հայր քո աստուած, ընդէ՞ր զանգիտես»⁴:

Եապուհ Բ-ի այս թողարկումներում առաջին անգամ սասանեան դրամներում՝ ատրուշանի սեան վրայ յայտնուած է գրութիւն՝ l'st կամ l'styh, որը թարգմանուած է ճիշտ կամ օրինակաւ: Այս գրութիւնը ենթադրել է տալիս, որ նման թողարկումները յատուկ նախատեսուած էին բանակին վճարելու համար: Այս տիպի դրամները կատարուած են ցածր գեղարուեստական ոճով, սակայն ունեն բարձր մետաղական յարգ: Յայտնի է, որ

երկարատեւ արշաւանքների ժամանակ թագաւորին ուղեկցում էր շրջիկ դրամահատարան, որը դրամներ էր հատում անմիջապէս տեղում վճարելու համար: Բնական է, որ նման դաշտային պայմաններում կտրուած դրամները չէին կարող ունենալ այն բարձր գեղարուեստական նկարագիրը, ինչ ունէին արքունական դրամահատարանների թողարկումները: Հէնց Եապուհ Բ-ի օրօք է սկսուած սասանեան դրամների կատարման գեղարուեստական մակարդակի անկումը:

Գաղափարախօսութեան ոլորտում Եապուհ Բ-ի պայքարն ուղղուած էր քրիստոնէութեան դէմ, որը պատմութեան մէջ է մտել որպէս մեծ ճետապնդումների ժամանակաշրջան⁵:

Եապուհ Բ-ի ռազմական գործողութիւններն արեւմուտքում եւ արեւելքում դատարկել էին արքունական գանձարանը: Քրիստոնեաները, որոնք Սասանեան կայսրութեան ներսում առակել ունեւոր խաւն էին կազմում, ըստ Եապուհի, կարող էին միջոցների հայթայթման աղբիւր հանդիսանալ: Արքայից արքան հրաման է արձակում քրիստոնեաներից կրկնակի հարկ գանձել: Հարկի հաւաքումը դրւում է քրիստոնեայ համայնքի առաջնորդ՝ Տիգրանի եպիսկոպոս Սիմոն (Շմաւոն) բար Սաբաղի վրայ: Վերջինս ասորական աղբիւրներում յիշատակուած է որպէս «ներկարարի որդի», քանի որ նրա հայրը մետաքս ներկող էր, որը համարուած էր ամենայարգի եւ եկամտաբեր զբաղմունքներից մէկը: Սիմոնը հրաժարուած է կատարել Եապուհի հրամանը, որի համար 344 թուականին մահապատի է ենթարկուած: Քրիստոնեաները մեղադրուած են Հռոմին նուիրուածութեան մէջ, ենթարկուած հալածանքների, ակերում են քրիստոնէական եկեղեցիները⁶:

Այս դէպքերը մանրամասն նկարագրուած են նաեւ Թովմա Արծրունու մօտ. «Եապուհ արքայից արքայ թագաւորեալ՝ բազում եւ անչափ չարիս հասուցանէր ի վերայ Հայոց աշխարհիս եւ Ասորեստանեայց եւ Պաղեստինացոց... եւ զբովանդակ թոյնս անբժշկականս իժից եւ քարբից եհեղ ի վերայ քրիստոնէից. յորմէ բազում սուրբք ի Քրիստոս վկայեցան, եւ որպէս ասի ակելի քան խո սրբոց արանց, որք վկայեցին վասն Քրիստոսի, բազումք յեպիսկոպոսաց, ի քահանայից եւ յայլ կարգէ յեկեղեցական գնդէ, բազմագոյնք եւ յազատաց աշխարհիս եւ տիկնանց նոցա անհնարին եւ դառն տանջանօք, զոր սարսափեմ...»: Այնուհետեւ պատմիչը յիշատակում է այդ շրջանում հաւատի համար զոհուած մի քանի նահատակների, որոնց թուում նաեւ Սիմոնին (Շմաւոն). «... զՇահրոստ, որ թարգմանի արքայասէր, եւ զԳոհշթասդ, որ թարգմանի ներկագործ ծիրանեաց արքայական զգեստու, եւ զՇրմաւոն եպիսկոպոս, վէմ եկեղեցոյ Քրիստոսի...»: Թովմա Արծրունին սխալմամբ Շմաւոնի ներկագործ անունը վերագրել է Գոհշթասդին:

Եապուհի կողմից քրիստոնէութեան հետապնդումը տարածուեց նաեւ Հայաստանի վրայ. «Հայաստանի քրիստոնէացումը IV դարում պատճառ հանդիսացաւ Հայաստանի եւ Սասանեանների միջեւ ակելի խորը բախումների, քան հռոմէացիների եւ պարսիկների միջեւ՝ այս շրջաններում իրենց ազդեցութիւնը տարածելու համար»⁸:

Հայկական աղբիւրները եւս անդրադառնում են այդ դէպքերին: «Եւ զամենայն կարգ քրիստոնէութեան ջանայր խափանել: Զեպիսկոպոսս եւ զքահանայս հարկաց պատճառաւ կապեալ յերկիրն Պարսից տայր տանել»⁹: Իսկ Փաւստոս

Բուզանդը քրիստոնեաների հետապնդումը կապում է Արշակ Բ-ի երգմնագանցութեան հետ, որից յետոյ «Եւ երդնու Շապուհ արքայ յարեգակն եւ ի ջուր եւ ի կրակ, եթէ ոչ միում մարդոյ, որ յայդմ օրէնս քրիստոնէութեան, ոչ տամ ապրել եւ հրաման տայր զամենեսեան տանել սպանանել»¹⁰:

Նման սուր գաղափարական պայքարը չէր կարող արտացոլում չգտնել Սասանեան Իրանում հատուկ դրամների վրայ:

Ներկայացուող արծաթէ դրաման, թողարկուած Շապուհ Բ-ի կողմից (ՀՊԹ, 16363, կշիռը՝ 3.65գ, տր. 29մմ), իր պատկերագրութեամբ բացառիկ է եւ կարող է թողարկուած լինել վերոյիշեալ դէպքերի առիթով: Դիմերեսին Շապուհ Բ-ի կիսանդրին է դէպի աջ, պարսպաձեւ թագով, որը պսակում է եռակէտ զարդանախշով ծածկուած գնդով: Զախ ուսի վրայ նոյնպիսի եռակէտ զարդ է: Պատկերի շուրջ պահլակերէն գրութիւնն է. «Մագդալին երկրպագող, աստուածային Շապուհ, արքայից արքայ Իրանի եւ ան-Իրանի, աստուածներից սերող»:

Դարձերեսի կենտրոնում պատկերուած է ատրուշանը՝ բաղկացած կրակարանից, հիմքից եւ բարձր սիւնից, որը կենտրոնում կապուած է ժապաւէնով: Կրակից ձախ արքայական նշանն է, իսկ աջ՝ թագաժառանգինը: Ատրուշանի ձախ կողմում կանգնած է Շապուհ Բ-ն, աջում՝ Ահուրամագդան: Երկու կողմից գրութիւնն է՝ «Շապուհի կրակը»: Ատրուշանի հիմքի մօտ, երկու կողմից պատկերուած են փոքր, հաւասարաթեւ խաչեր, որոնք տեղադրուած են Շապուհի եւ Ահուրամագդալի ոտքերի տակ:

Դրամն արտաքուստ նման է Շապուհ Բ-ի սովորական համապետական

թողարկումներին: Սակայն դրա մանրակրկիտ քննութիւնը սասանեան դրամների պատկերագրութեան կանոնների համատեքստում թոյլ է տալիս ասելու, որ այն յատուկ թողարկում է:

Նախ եւ առաջ, դրամը կատարուած է շատ բարձրարուեստ ոճով, որն առաւել բնորոշ է Գ. դարի սասանեան դրամներին: Շապուհ Բ-ի օրօք դրամների պատկերները կորցնում են անհատական նկարագիրը, իսկ արքայից արքան պատկերուած է այսպէս կոչուած «մեռած աչքերով»¹¹: Հակառակ դրան, վերոյիշեալ դրամը ոչ միայն փայլուն գեղարուեստական կատարում ունի, այլեւ կրում է Սասանեանների արքայական իշխանութեան պաշտօնական խորհրդանիշերի ողջ համալիրը:

Քննարկուող դրամի դարձերեսին հաւասարաթեւ խաչի պատկերը միակ օրինակն է, որ հանդիպում է սասանեան թողարկումների մէջ: Խաչերը տուեալ դէպքում չեն կարող դիտուել սասանեանների կողմից պաշտամունքի առարկայ հանդիսացող երկնային լուսատուներ խորհրդանշող նշաններ: Վաղ սասանեան դրամների դարձերեսի պատկերագրութեան մէջ, եթէ օգտագործուած էին առանձին նշաններ, ապա դրանք սովորաբար պատկերուած էին ատրուշանի կրակի վերելում կամ սեան վրայ, բայց ոչ երբեք հիմքի մօտ: Աւելացնենք նաեւ, որ Գ.-Դ. դարերի սասանեան դրամների դարձերեսի նշանների առատութեան մէջ ընդհանրապէս չեն հանդիպում քառաթեւ կամ վեցթեւանի աստղի նշաններ:

Հետաքրքրութիւն է ներկայացնում այն, որ խաչերը պատկերուած են ատրուշանի հիմքի մօտ այնպէս, ասես գտնուած են Շապուհի եւ Ահուրամագդալի ոտքերի տակ:

Սասանեան պատկերագրութեան մէջ նման յօրինուածքը նորութիւնն չէ: Գ.-Դ. դարերում սասանեան արքայից արքաների յաղթանակները նշանաւորուած էին բարձրաքանդակների վրայ իրենց ոտքերի տակ թշնամուն կամ նրա խորհրդանիշը պատկերելով: Թագաւորի դիմաց, որպէս օրէնք, պատկերուած էր Ահուրամագդան, որի ոտքերի տակ չար ուժը խորհրդանշող Ահրիմանն էր¹²: Դրամի վրայ խաչի պատկերումը թագաւորի եւ գլխաւոր աստծոյ ոտքերի տակ պէտք է խորհրդանշէր զրադաշտութեան յաղթանակը քրիստոնէութեան նկատմամբ:

Դ. դարում խաչն արդէն հանդէս էր գալիս որպէս քրիստոնէութեան պաշտօնական խորհրդանիշ: Հռոմում Կոստանդիանոս Ա Մեծի (285-337) օրօք լայն տարածում է ստանում Քրիստոսի փակագիր նշանը, որի հիմքում խաչն է: Ըստ աւանդութեան, հէնց այս նշանն է երեւացել կայսեր տեսիլքում եւ կանխատեսել նրա յաղթանակը¹³: Կոստանդիանոսի դրամների վրայ հանդիպում են նաեւ սովորական հաւասարաթեւ խաչի պատկերներ¹⁴: Նրա թողարկումներից մէկի վրայ՝ դարձերեսին, պատկերուած է արեւի աստուածութիւնը՝ ճառագայթաձեւ թագով, իսկ նրա ներքեւում՝ նոյնպիսի հաւասարաթեւ խաչի պատկեր է: Դրամի վրայ լատիներէն հետեւեալ գրութիւնն է՝ «Արեւին՝ անպարտելի արբանեակին»¹⁵: Մեր կարծիքով, այս երկու օրինակները համահունչ են: Կոստանդիանոսը, խաչը պատկերելով ընդհանուր յօրինուածքի ներքեւում, նոյնպէս ցանկացել է ընդգծել արեւի պաշտամունքի գերապատուութիւնը քրիստոնէութեան նկատմամբ: Յայտնի է, որ Կոստանդիանոսը միայն իր կեանքի ամենավերջում եկաւ քրիստոնէական հաւատի, իսկ մինչ այդ կայսեր գլխաւոր հովանաւոր

աստուածութիւնը մնում էր Ապոլոնը, որը նոյնացուած էր արեւի աստուածութեան հետ:

Սակայն արդէն Կոստանդիոս Բ. կայսրը (317-361), որը քրիստոնեայ էր, 340-ական թուականներից Քրիստոսի փակագիր նշանը տեղադրում է դրամների վրայ ոչ թէ յատուկ առիթներով, ինչպէս Կոստանդիանոսը, այլ որպէս հիմնական գաղափարակիր նշան¹⁶:

Հաւասարաթեւ խաչի պատկերով առաջին քրիստոնէական դրամը թողարկուել է Եթովպիայում՝ Աքսումի թագաւոր Էզանասի կողմից (330-358): Դրամի վրայ շրջանաձեւ գրութեան առանձին հատուածները բաժանուած են հաւասարաթեւ խաչերով¹⁷: Սա եւս վկայում է այն մասին, որ 340-ական թուականներին Շապուհ Բ-ի վերոյիշեալ դրամի թողարկման ժամանակ խաչն արդէն հանդէս էր գալիս որպէս քրիստոնէութեան տարածուած խորհրդանիշ:

Հայկական աղբիւրները եւս փաստում են, որ Դ. դարի սկզբներին խաչը որպէս Քրիստոսի նշան, դառնում է նոր հաւատի խորհրդանիշ: Այդ տեսակէտից տեղին է մէջբերել Գրիգոր Լուսաւորչի տեսիլքի եւ դրա մեկնութեան հատուածը. «... Եւ տեսանէի ի մէջ քաղաքիս, մօտ յապարանսն արքունի, խարսխաձեւ ճախարակաձեւ խարխիս ոսկի մեծութեամբ իբրեւ զմեծ մի բլուր եւ ի վերայ նորա սիւն մի հրեղէն բարձր մինչեւ յոյժ, եւ ի վերայ նորա թակաղաղ մի ամպեայ եւ խաչն լուսոյ ի վերայ նորա... իսկ խաչն լուսաւոր ի նմա՝ է ինքն մեծ քահանայապետութիւնն ի մէջ ժողովրդոցն օրինակ Քրիստոսի պատկերին մարմնացելոյ քահանայապետութեանն օծութեան Աստուածորդոյն»¹⁸:

Խօսել քննուող դրամի վրայ պատ-

կերուած հաւասարաթեւ խաչի որոշակի պատկանելութեան մասին, տեղին է, որոշակեալ, տուեալ դէպքում, խաչի ամենապարզ եւ տարածուած ձեւը պէտք է խորհրդանշէր պայքար ողջ քրիստոնէութեան դէմ, որը ծաւալել էր Շապուհ Բ-ն:

ԾԱՆՕԹԱԳՐՈՒԹԻՒՆՆԵՐ

1 Մովսիս Սորբեցացի Պատմութիւն հայոց, Աշխատութեամբ՝ Մ. Աբեղեանի եւ Ս. Յարութիւնեանի, Տփղիս, 1913, Գ-ԼԵ, Փաստոսի Բուզանդացու Պատմութիւն Հայոց, Սանկտ-Պետերբուրգ, 1883, Գ-ԾԵ, ԾԹ:

2 Հայ Ժողովրդի պատմութիւն, հտ. II, Երեւան, 1982, էջ 101:

3 К. В. Тревер, Художественное значение сасанидских монет, Труды отдела востока Государственного Эрмитажа, т. I, Ленинград, 1939, стр. 267; И. Рак, Мифы античного и средневекового Ирана, Санкт-Петербург - Москва, 1998, стр. 452; R. Göbl, Sasanian Numismatics, Braunschweig, 1971, p. 46.

4 Մովսէս Սորբեցացի, Գ-ԾԵ:

5 Ասորական աղբիւրներ. Օտար աղբիւրները Հայաստանի եւ հայերի մասին, թարգմանութիւն բնագրից, առաջաբան եւ ծանօթագրութիւններ Հ. Մելքոնեանի, Երեւան; J. Labourt, Le Christianisme dans l'Empire Perse sous la Dynastie Sasanide, Paris, 1904, p. 43.

6 Լ. Տէր-Պետրոսեան, Աքրահամ Սոստովանողի «Վկայք արեւելիցը», Երեւան, 1976, էջ 8-9:

7 Թովմայի վարդապետի Արծրունու Պատմութիւն Տանն Արծրունեաց, Սանկտ-Պետերբուրգ, 1887, Ա-Ժ:

8 Р. Н. Фрай, Наследие Ирана, Москва, 1972, ст. 307.

9 Մովսէս Սորբեցացի, Գ, ԼԶ:

10 Փաստոս Բուզանդ, Գ, ԺԶ:

11 R. Göbl, Sasanian Numismatics, Braunschweig, 1971, p. 46.

12 В. Г. Луконин, Культура Сасанидского Ирана. Новые материалы и опыт исторической реконструкции, Москва, 1969, стр. 185-196.

13 А. Донини, У истоков христианства, Москва, 1989, ст. 218.

14 P. Braun, The Victorious Sings of Constantine: a Reappraisal, The Numismatic Chronicle 157, London, 1997, p. 56.

15 А. А. Нейхардт, Происхождение креста, Москва, 1956, ст. 48.

16 M-P. Fouchet, L'art de Byzance et de l'Islam, Paris/Bruxelles, 1979, p. 44.

17 R. Carson, Coins of the World, New York, 1962, p. 463; T. Higel, Garmisch-Partenkichen: Axumide Coinage: A Preliminary Typology, Newsletter of Oriental Numismatic Society 176, Bergambacht, 2003, p. 3

18 Ագաթանգեղայ Պատմութիւն Հայոց, Թիֆլիս, 1914, 736-745:



ՀԱՅ ԱԶԱՏԱՐՁԱԿՆԵՐԸ ԱՐՐԵՏԻՈՒՄ ՔԱՂԱՔՈՒՄ

Ջուստո ՏՐԱԽԵԱ (Լեչէի համալսարան, Իտալիա)

Պերեննիուսի գործատուները Արրեստիոսի կարեւորագոյն խեցեգործական արհեստանոցն էր եւ, հաւանաբար, ամենակարեւորը բոլոր նրանցից, որոնք արտադրում էին արրեստեան խեցեղէն, որն այսօր անուանում ենք իտալական terra sigillata: Արրեստիոսը քաղաքի արուարձանում, Չինչելլի վայրում, ինչ-որ ժամանակ հիմնուել էր մասնաճիւղ¹: Մ.թ.ա. I դարի երկրորդ կէսով եւ յաջորդ դարի առաջին կէսով թուագրուող ռելիեֆազարդ սափորների դրոշմապատկերները մեզ տալիս են այդ արհեստանոցի երկու պատասխանատուների անուններ. Marcus Perennius Tigranus եւ Marcus Perennius Bargat(h)es²: Անթնների ձեւերի տիպաբանութիւնը, ինչպէս նաեւ զարդաբանման ոճը վկայում են, որ այս անձերը համապատասխանում են արհեստանոցի գործունէութեան երկու տարբեր փուլերին, եւ որ Tigranus-ը եղել է Bargat(h)es-ից առաջ³:

Այս անձանց պաշտօնների եւ ծագման հարցերը լիովին պարզաբանուած չեն:

Գիտնականները համակարծիք են միայն Tigranus եւ Bargat(h)es անունների արեւելեան ծագման խնդրում: Օգիւստ Օքսէն առաջինն էր, որը ներկայացրեց Marcus Perennius Tigranus-ի մասին, ճիշտ է՝ մի քիչ հեռու գնացող, վարկած: Ըստ նրա, այդ արեւելցին հռոմէական քաղաքացի է դարձել ոմն Մարկուս Պերեննիուսի շնորհիւ, որը, սակայն, արհեստանոցի հետ առնչութիւն չի ունեցել: Օքսէն, այնուամենայնիւ, հարց է

տալիս. «արդեօք արեւելցի Տիգրանուսը եղել է ստրուկ»⁴: Ըստ Օքսէի, նա կարող էր ժամանել Իտալիա Ք.ա. 29 եւ 25 թթ. միջեւ⁵: Ինչ վերաբերում է Bargat(h)es-ին, Օքսէին չի յաջողուել պարզել նրա կողմից արհեստանոցը գլխաւորելու համաձայնքները (հաւանաբար՝ Tigranus-ի մահից յետոյ), այլ սահմանափակուել է արձանագրելով, որ այդ անունը «մատնում է» նրա արեւելեան ծագումը⁶:

Մի քանի տարի անց, Հանս Դրագենդորֆը Tigranus-ի եւ նրա յաջորդ Bargat(h)es-ի մասին առաջ քաշեց լրացուցիչ վարկածներ⁷: Հետեւելով Օքսէի դատողութիւններին, Դրագենդորֆը նոյնպէս ենթադրում էր, որ արեւելեան ստրուկների ներկայութիւնն այստեղ կապուած է Անտոնիոսի եւ Կլէոպատրայի դէմ Օկտաւիանոսի վարած պիքսանդրեան պատերազմի հետ: Այս վերակազմութիւնը մասամբ քննադատուել է Հ. Քոմֆորտի կողմից: Վերջինս ուշադրութիւն էր հրաւիրում այն փաստի վրայ, որ Արրեստիոսում օգոստոսեան ժամանակաշրջանը նշանաւորուեց մի էական փոփոխութեամբ՝ կատարուեց անցում սեւ խեցեղէնից կարմիր խեցեղէնի: Դրանով, հեղինակը զգուշացնում էր հետազոտողներին հեռու մնալ չափազանց դիւրաբեկ պատմական վարկածներից⁸:

Ջուզեպպէ Պուչչին, երեսուն տարի առաջ լոյս ընծայած իր հիմնաւոր յոդուածում չի անդրադառնում այդ երկու անձնաւորութիւնների ծագման հարցին, բայց ենթադրում է մասնազիտացած ստրուկների շուկայի գոյութեան մասին: